

靈寶無量度人上品妙經卷之五十七 宣七

解釋幽牢品

道言昔於始青天中碧落空歌大浮黎土受
元始度人解釋幽牢妙品元始天尊當說是
經周迴十過以召十方始當詣座天真大神
上聖高尊妙行真人十方救苦天尊玉清雲
宮大慈天尊大悲真帝酆都九幽帝主仙官
無鞅數衆乘空而來十方起雲混如丹色瓊
臺寶宇隱顯太空玉馬金龍驂霞泛景飛光
鳳蓋垂陰珠斡瑞彩天光流煥四極蒼鬱淵

映明徹碧空七日七夜紅霞搖曳遠幕神鄉
天都紫微層影洞耀丹殿星宮瓊堂日闕珠
緯躔虛玉網流演紫烟紛華山海凝碧瑞金
爲界色雲合防清靜聖途明無纖玷衆真侍
座元始天尊玄坐空浮八山九海伏龍翔虎
十極太玄之座當七說經一遍天帝鼓節高真洞
詠是時一國重冥陰域一時光明說經二遍
地下重壘三十六皇俯伏恭聽簡閱皇籍說
經三遍氣流甘濡灑潤枯朽說經四遍殺鬼
滅爽魔衆失聲說經五遍地吐芝英八十一

種頽蒼秀異竒文燕胎說經六遍鄞山震搖
黑海停沸說經七遍九幽地獄萬里鐵城業
火熾然億劫洞赤說經之際毒勢冰消炎牢
清蕩說經八遍靈霞布空九色成字真文廓
現赦諸罪人說經九遍暗氣凝雲傷血隕雨
聞經穢淨神風掃塵說經十遍屍骨斂起靈
顏鮮瑩自然成人是時一國是男是女悟道
知真胞結解釋冥關錄籍字迹除脫素幅鍊
章了無罪目歸嚮天尊咸遂生養

道言是時元始天尊說經一遍東方無極無

量品大慈九氣救苦天君無鞅之衆浮空而
至說經二遍南方無極無量品大智三氣救
罪天君無鞅之衆浮空而至說經三遍西方
無極無量品大明七氣執法天君無鞅之衆
浮空而至說經四遍北方無極無量品大惠

當七

二

一氣息苦天君無鞅之衆浮空而至說經五
遍東北無極無量品大悲梵氣破獄天君無
鞅之衆浮空而至說經六遍東南無極無量
品除過梵氣九幽天君無鞅之衆浮空而至
說經七遍西南無極無量品大心梵氣拔罪

靈寶无量度人上品妙經

天君無鞅之衆浮空而至說經八遍西北無
極無量品大仁梵氣玉匱天君無鞅之衆浮
空而至說經九遍上方無極無量品普濟一
十二氣萬福天君無鞅之衆浮空而至說經
十遍下方無極無量品不動五氣玄母天君
無鞅之衆浮空而至十遍周竟十方無極天
真大神無量天君一時同至一國男女傾心
歸仰咸荷慈恩下逮淪亡俱霑聖澤感嘆之
聲響動幽夜鳥獸悲嗥人鬼悵惋來者有如
沙塵飄委嚮風傾注於是元始遍視群生彈

指微笑金口發光光如皎月上極無上剛風
頂際下極水輪泉曲九漏無底陰谷無不照
見一一光中皆現三界衆生善惡命根宿報
新緣互相酬對業果自明心目同證此九旋
行暈成五色七七下覆人間上接天境運如輕車
灼灼圓象逡巡七七九道狀如日出東蒙十方同
色去地五大炯燦停空元始登引天真大神
上聖高尊妙行真人十方無極救苦天君至
真大神無鞅數衆俱入九色圓象之中天人
仰看惟見拂拂從圓光中入既入光中不知

所在國人廓散境宇如初元始即於九色圓
象之中說經都竟衆真監度以授於我當此
之時喜慶難言法事祖悉諸天復位條歛之
間寂無遺響是時天人遇值經法普得濟度
解釋幽牢無有橫傷傾土歸仰幽顯披心不
怨不憎不執不滯不著不愛不害不欺不寃
不爭言必諧理口有和聲齊同慈愛異骨成
親國安民豐欣樂太平經始出教一國以道
預有至心宗奉禮敬皆得度世

道言元始天尊說經中所言並是諸天上帝

內名隱韻之音亦是魔王內諱百靈之隱名也非世之常辭上聖已成真人通玄究微能悉其章誦之十過則諸天遙唱九幽啓關冥海靜默業山傾摧光徹幽夜積劫累代纏繫鬼都籍在三官朽骸積屍竟魄囚考黑氣腥

腐破膽裂腦火山冰池焚爍烹瀆以萬計期無有晝夜聞此玉文天真靈篇則太一錄竈南丹鍊神神還識明捨妄歸真誓結究竟應時清明太和真氣入其身形蓮花捧履龍瑞扶顏與天人樂大魔伺迎至學之士誦之十

靈寶度量人上品妙經

過則伏宗凜命紂絕凜恭此君奉書陰曹削
名泥丸玄堂七祖故氣氤氳未開內構胎血
百節蟲官骨中注吏地虎風獸啖骸食氣之
鬼守禦泉府銅大火蛇之神惡烟四激窮羸
芒昧神官切齒百里洋鑊千尋鐵壘不見三
辰詎曉道境真知沈淪罪根駢委牽連生人
追呼族緒冢宅之訟誣告天司冥漠無所一
時萬死痛毒終天聞此洞篇魔帥弭節黑帝
停軒徃劫古爽近世苦蒐道力陶冶變酷消
仇玉曆定科紫雲覆座神風調逸墮魄飛昇

卷七十五

死戶無拘道遙三界輕誦此章身則被殃供
養尊禮門戶興隆世世昌熾與善因緣萬災
不干神明護門斯經尊妙利樂幽靈度人無
量爲萬道之宗巍巍大範德難可勝

道言凡誦是經十過諸天齊到億曹萬祖幽
寃苦爽皆即受度上昇朱宮格皆九年受化
更生得爲貴人而有億劫結冤千載滯爽太
上不以聞宥上帝不以思原禁獄幽牢在女
青天一玉平女沙九陰大禁都司檢形五老
校錄暗黜芒屨之穴毒風醜類蘊墮四瀆海

靈寶度量人上品妙經

閻枯削寒丁大魔勅制之魅誦此洞章欬然
自生光炁變玄屍齒得度與神同昇洗除罪
咎青籙紀名刺奸司非不得鼓蝟鋒之斷筆
韓君丈人將折簡於螭笈是皆玄司九幽鄭
泉之重刑此經解釋渙爾泮散而好學至經
功滿德就皆得神仙飛昇金闕遊宴玉京也
上學之士修誦是經節關開通胎真明正洞
陰一府六峯遊精隨氣變化與時出入或感
人呼吸流毒飲食因葛梗以兆體假冥漠以
潛靈九府捕索三官定書經道至神皆即受

度飛昇南宮世人受誦誠貫十天幽牢苦爽
祖世親緣紀過泰山刊名此都皆得鍊質丹
陵瑩寬矣海誦聲成雲載此冥魄逍遙太无
過度輪轉不經生死奉行之者則延壽長年
後皆得作屍解之道寬神暫滅不住地獄即
得返形遊行太空此經微妙普度無窮一切
天人莫不受慶無量之福生死蒙惠上天所
寶不傳下世至士齋金寶效心盟天而傳輕
泄漏慢殃及九祖長役鬼官侍經五帝王童
玉女各二十四人營衛神文保護受經者身

靈寶无量度人上品妙經

道言正月長齋誦詠是經為上世亡寃斷地
逮役度上南宮詣三元洞宮主生太陽火官
焚除罪簿赦免吞火食炭洋銅沸鑊銅柱鐵
床燒烹炮烙衆苦之罰經道神力變成清池
獄具惡器悉為蓮花七月長齋誦詠是經為

上世亡寃祖考宗姻昇遷鍊化削滅罪緣慶
流孫曾詣三元洞宮主死太陰水官漂蕩刑
書滌濯元靈淨除溟波海漬沒溺寒夜冰池
雷震霹靂泉曲徒役絞水暴注湍激驚濤衆
苦之罰經道神力變成安室獄具惡器悉為

卷七十五第七

樂玩十月長齋誦誅是經為上世亡魂姑流
娣奴往逝婦姬解斷徵呼復連傳速詣三元
洞言主生死罪錄官釋放考掠訊訟簿錄證
佐對定冤仇銜負悔恨喑鳴追召衆苦之罰
經道神力變成德友獄具惡器悉為珍寶八

古七

六

節之日誦詠是經奉詣九宮直符九府直事
八方大獄九幽泉牢開通八門受生八道天
人鬼神地獄餓鬼畜生魔帥妖魅出離禁獄
各乘生功度脫九幽為大施者本命之日誦
誅是經為北斗司命司錄主非典禁命在斗

靈寶度量人上品妙經

宮計年期月追召生魂上詣斗宮校定罪福
度脫三災四殺五苦六害七傷八難九厄十
極事在三元考官冥曹譴謫衆苦之罰經道
神力不有害傷冤神澄正萬炁長存不經苦
惱身有光明三界侍衛五帝司迎萬神朝禮
名書上天功滿德就飛昇上清

道言行道之日皆當香湯沐浴齋戒入室
東向叩齒三十二通上聞三十二天心拜
三十二過閉目靜思身坐青黃白三色雲
氣之中內外蒼冥有青龍白虎朱雀玄武

獅子白鶴羅列左右日月照明洞煥室內
項生圓象光映十方如此分明密呪曰

無上玄元太上道君召出臣身中三五功曹
左右官使者侍香玉童傳言玉女五帝直符
直日香官各三十二人當七關啓所言今日吉慶
長齋清堂修行當七至經無量度人願所啓上徹

徑御

無上三十二天元始上帝至尊几前畢

引炁三十二過東向誦經

靈寶先度人上品妙經

元始無量度人上品妙經

元始洞玄靈寶本章解釋幽牢開光度人諸
天隱韻離合自然太始無文杳冥中真元氣
化生紫烟氤氳風火陶埴流精自凝支勢低
回鑲玉鎔金垂芒駕霞采布十方混洞赤書
命意寫形離為萬象合為寶經累珠貫花激
濁揚清五老吐符皇人寫靈造化以成三界
開明天以之清地以之寧人以之生神以之
靈物以之成梵氣左騰春夏肇興天光右馳
秋冬滋營元始上帝命曰玉真上無復祖惟

道爲身五文開廓普殖神靈三辰揚輝鬱羅
玉清九壘植根冥渺鄴城下有天魔與道同
生羅山龍源醜都肆汙蕩蕩億程洞宮熒凌
中有萬鬼鼓錙巨兵獄考幽陰大劫匪捐火
鐵億壘天地無門大悲道王天中之尊口放
神光光顯玉文瑞霞給碧鳳氣成雲禁獄乃
開黑界光明九龍銜符鍊度種人是爲大梵
天中之天繁蒼庶生知識自管內構巨業默
與神爭神本自天元惡相纏苦鬼冥冥墮拘
重泉鬼帥執契虎卒仗鞭按券呼名敢干我

前黑甲噴火電母攝仙萬毒備形閉以天關
沈目塞耳寥邈南丹哀企玉符赦此幽艱碧
空莽莽九劫重山太一黃旗司命騁轅告命
九陰典宰司殺元童都禁大君北陰大神司
錄主算捕蒐化生四明五嶽泰山丈人解釋

幽牢無量度人今日校錄諸天臨軒

廿七

八

東方無極道化神王長生大聖無量度人
南方無極度生神王長生大聖無量度人
西方無極堅德神王長生大聖無量度人
北方無極玄照神王長生大聖無量度人

東北無極救苦神王長生大聖無量度人
東南無極拔罪神王長生大聖無量度人
西南無極濟苦神王長生大聖無量度人
西北無極赦罪神王長生大聖無量度人
上方無極昇度神王長生大聖無量度人

下方無極普惠神王長生大聖無量度人
十方至真慈化神王長生度世無量大神並
乘流雲彩車紫蓋彤輪驛駕綠象白獸斑龍
建招神之節返生靈幡前合九真之曲後奏
八會之音天馬麒麟騰躍辟非六丁啓道七

耀捧轅億乘萬騎浮空而來傾光回駕監真
度生北陰右相洞淵化官三元助理太上靈
君執籙持符同會帝庭隨所開度嚴誓百神
普告黃闕無極幽關悲歌九映故試大魔六
天治獄萬鬼之營冰池沸鑊銅柱火山飛戈

七七

九

飄戟巨石刀輪三塗長役五苦夜河虛皇有
命皆使超升北都寒池部衛形覓制魔保舉
度品南宮死覓受鍊仙化成人生身受度劫
劫長存隨劫輪轉與天齊年永斷幽沈苦趣
之難超凌三界受鍊洞陽洞陽之天天帝道

元無色之境梵行

東方八天

玉餘明報天

蒼靈洞籍天

妙極神際天

長智通奇天

救寂惇和天

玉回霞緒天

赤瑜寶淨天

道明雲覲天

帝蔚覽真

帝耶殊覺氛

帝錄多清夷

帝元胎保真

帝元胥子明

帝招靈款神

帝珈輔龍琛

帝清宣左聲

靈寶先天度量人上品妙經

南方八天

德育正化天

玄靈妙濟天

虛璣澄廉天

彰容克聞天

奏須曆靜天

太妙希玄天

和遲竟觀天

深極勝禹天

西方八天

帝傳明道因

帝粵須延生

帝露憫遮聰

帝考韋常臻

帝婆藍宛都

帝招真烈元

帝部陀鬱彌

帝明朝紫賓

鬼樞星映天

帝光輿羅軒

超氣皇度天

帝柏華月璘

昭寅澄觀天

帝至輔虎林

蕩拂遠想天

帝覺慮騫奚

靈微四極天

帝彥光平舒

月廣耀虛天

帝布華總陳

昌宜管祖天

帝畢康參

初嚴制魔天

帝開圖祖玄

北方八天

紫華慶陽天

帝辯惠源

靈寶度量上人妙經

常憫亟濟天

帝羅遜義洲

征旗開虛天

帝虛岐香宗

彊明拯機天

帝魯評號

太極允明天

帝未京左丘

濯儲烈和天

帝曜童齒南

浸微液華天

帝潛靈宛寧

河都曲泉天

帝江定英

三十二天三十二帝諸天隱諱諸天隱名天

中空洞自然靈章諸天隱韻度幽之音降幽

之尊感幽之神解釋幽牢化度群靈九幽十

極變化幽冥無量之奧深不可詳道出神真
普度窮鬼今日欣慶受鍊歷關諸天請滅三
惡斬絕地根飛度炎池名列太玄魔王監舉
無拘天門東斗主訟西斗司刑北斗出命南
斗變生中斗降神鬼魄以靈青帝投性白帝

廿七

十一

造形赤帝傳識黑帝運精黃帝養胃出納分
明木獄神王考掠爭析火獄神王燒焚烙炙
金獄神王斬摧鑊戈水獄神王寒冰凝列土
獄神王陷壓埋壘五獄大魔禁獄之宗飛行
肆兇總領鬼兵持刀負鑊鼓氣成風屠割幽

爽酷慘莫容上天度人勅告北酆鬼相稟命
晶晶效梓鐵城摧圮火網不張肩矧按戟冒
虎執鎗威具咸息惡氣殄亡獄化仙苑人道
翔翔敢有干試拒遏上真金鉞前銜玄纛後
停屍鬼得度衆苦斯平千千出獄萬萬賦形
魔王審對鬼神考情三官北酆明檢鬼營不
得容隱金馬驛程普告無窮萬神咸聽三界
五帝列言上清

元陽玉匱區別冥寬大劫極於陽九小劫極
於陰六是時水騰火飛九六爲變兵刃誅刑

山嶽搖響宇傾宙移風烟雜亂神州玉京太
玄之庭眇眇億劫非晦非明上達八剛不動
之界下極種民不易之鄉崑崙龍淵玉州黃
庭三災不干有諸清靈明爽之鬼皆道氣之
佑不遷不馳自無營營元始大慈赤書合明
煥爛玉屈霏縻紫清鳳戴龍負赦釋苦靈有
在三官動經億劫成壞之變業累無解囚閉
幽牢劫載拘留墮黑暗城眇眇之中上極無
色下極無淵風震九虛不知其天無光無明
洞幽洞冥形影窮極出入死生汨汨混海昧

靈寶无量度人上品妙經

竟交局鎖鑄鉤鉗同業積生玉章開明運度
自然玄老奮戈龍銜五篇赤書紫圖青華虎
文芒回露披金斗炳分保制劫運使天長存
陰爽結羅道力開張北山元阿徂東陂陀惡
根流演三十六都輪轉并獄周回九幽斗箕

留七

十二

之緯旋歷五場萬八千牢總氣三元六洞列
宮氣入太玄玄中大魔業等高真泛氣鼓烟
承聽玉章金馬驛告拔宥鬼營清歌召神蘭
音輔真冥滯決舒隨感受生聖真布化無幽
不聞左嘯紫童右扶帝宸陽健陰闢元精化

身千和萬合自然成人輪轉五道假受成形
形中有神長生大君無英公子白元尊神太
一司命桃康合延執符把籙保命生根三官
錫符嶽帝紀名隨宿命緣三界乃生上極皇
曾色界之天桂館華房八冥之內細微之中
下及鄴羅洞陰玄宮中分九類二十四生泉
瀆嶽磧冥漢鬼神十轉幽關苦爽齊仙仙道
貴生無量度人上開八門飛天法輪罪福禁
戒宿命因緣普受開度死寃生身身得受生
上聞諸天諸大之上各有生門中有空洞謠

歌之章救苦靈篇辭參高真

第一泉曲府滅罪濟苦天尊解釋幽

牢飛空之音

長川浩浩

洪流九源

波惡毒兮

汨沒沈淪

業纏結兮

攝縛牽連

大穴極無底

七七杳杳藏萬凶

十三冥冥衆苦癸

受報北羅鄴

汲汲泉山下

督責冤何窮

鬼吏考業體

哀號震寒空

罪目在三官

苦網脫無門

飛天下太元

八道開幽關

洞文燭長夜

拔度受生魂

萬劫永逍遙

稽首荷玄恩

第二九幽府開光拔罪天尊解釋幽

牢之章

崑丘差我

仰祝八騫

遐觀十天

四睇諸方

九幽大神

變化億身

善功刻名

朽骨成仙

太一在上

綠宮光連

幽壤在下

穢氣紛紛

黑山東兮

鬼獄長存

鐵牢依南

萬劫火然

遙遙九空

流浹道恩

徃域清蕩

嚴降高真

鍊鬼登玄

靈寶无量度人上品妙經

金籙簡文

識坐蓮胎

得度靈身

不經三途

世世為人

慶雲飄飄

琅琅玉音

第三鄮都府五靈洞陰天尊歌曰

北淵潭潭

氣貫鬱羅

鬼門四關

鄮山差我

六天九府

是鬼神家

癸海億萬

嵌巖獸都

洞陰流光

潛通太虛

元始真王

伏御衆魔

飛雨甘露

續委天葩

瑞臻福應

度寬其多

功德咸備

遏截妄邪

惟道為謀

罔識于他

內真自充

神登三華

永謝羅鄩道

仙境由是過

超昇紫雲上

脩脩入无何

此三府之上飛空之中高真靈音音參洞章

誦之百遍名度南宮誦之千遍普攝魔鬼萬

古七

十四

遍道備解釋煩冤超度三界簡刻太玄有聞

靈音魔王敬形勅制地祇侍衛送迎拔出地

戶五苦八難七祖昇遷永離鬼官寬度朱陵

受鍊更生是謂無量普度無窮有祕上天文

諸天共所崇泄慢墮地獄禍及七祖翁

道言此二章並是諸天上帝及至靈冥尊隱
祕之音皆是大梵之言非世上常辭言極幽
黯歌洞靈筌故謂玄奧難可尋詳上天所寶
祕於玄都紫微上宮依玄科四萬劫一傳若
有至人下濟泉局拔度幽窮救死回生齋金
寶貨心依舊格告盟十天然後而付焉

道言夫依業託識依識顯神神為來往之主
識為死生之根神識業因三者為一萬劫蒙
救不脫幽閻神雖不遷因業外變六道四生
天魔乘權注籍斯艱業力脗合氣精流傳歟

爾為人福命所懸貧富貴賤簡記本緣神風
運轉萬形允宣生死之時同氣皆當齋心修
齋六時行香十遍轉經福德立降消諸不祥
無量之文普度無窮

道言夫末學道淺或仙品未充運應滅度身

卷七

十五

經太陰臨過之時同學至人為其行香誦經
十遍以度屍形如法道業淨成之鬼在三官
保命府左右侍中仙卿之間校記玄功者即
得乘駕飛龍侍軒帝宸修真鍊道致一守神
之鬼在東華清虛東榮童初遊散進功者即

得御素軒於北元朝太極於上官位證高仙
預治天政主化行權清明苦爽隨世希仙三
乘之寃在山川福壤主者之任者寃神徑上
南宮隨其學功計日而得更生轉輪不惑便
得神仙

道言夫道無終始人有死生惟一真大神與
道同體永無變滅業風乘神搏識滅性假於
形類形同於物故有終盡終盡者形之氣氣
之限至神不終世人惑妄認為死生執於業
識墮於地獄迷蔽自惑鬼官執錄永閉幽牢

黑暗萬重不覩圓曜元始運悲神文光麗玉
書散芒醜形得度計日超昇冲氣滋融靈眸
煒煥臨將鍊易皆當修齋行香誦經夫齋戒
誦經功德甚重上通九天保鎮帝王下濟冥
途以度罪寃生死受賴其福難勝故曰無量
普度天人

道言凡有是經能為歷劫幽寃苦爽無量冥
途行是功德開度之日發心修齋燒香誦經
十過皆諸天記名萬神侍衛右別至人剋得
為聖君金闕之臣諸天記人功過毫分無失

天中魔王亦保舉爾身得道者乃當洞明至
言也

諸天中大梵隱語無量音
道君撰

元始靈書解釋幽牢洞篇

東方八天

歷阜興衡密七 謨民越琳十六 迮池宛敷

果箕拒藍 崔波雲阨 魔夷從衫

滴無彥嘉 明微奴銜 至陳耀廬

仙期阿曇 劍島玉提 魔棲珞敦

鬼星臯房 覺體運元 善憫綠華

敵司毗南

內八字爲
宗禁司

南方八天

宵虛敵熾

遠釋皆賓

墟除罔寧

偃南俎澄

月斗羅稽

孟昏社榮

寒息景魂

紫微胡凌

波陀臺阿

照徂曲征

命延佐蕪

路百祠輪

道定虞渚

歷正孚瓊

兆堯柏壘

洞清湊營

西方八天

奏度球疑

冲朋聯袂

此八字爲九
出太一號

靈寶无量上人妙經

迷盧蘇支
寂幾渠施
汶澗

神斗玉儀
觀伴合積
虛持米離

玄方碧羅
陽志荒時
七覺遙祖

卷逋索達
霞敷瑄姬
景育度元

混幾央卑
鼓龍澤歌
他墀半飛

龍晶由媚方七
城內八字
城宮詳

此方八天

玉蹊亂基
日淵孟池
溥戴願列

坡荒元祠
絳洞妙弼
立目蕊飛

定芒混逐
坤齊建蒙
激馘鬼鄙

煙營方仇 卯畜既明 善郎罕投

幽歌寒呱 烈燔夢遊 戟旦悅支

仙都霞周

內八字玄
老內名

道言此諸天中大梵隱語無量之音舊文書
太玄此闕五靈長樓之上以開度泰山九幽
羅艷泉曲冥關累苦之冤繫在三官不得自
明道逸玄空之者丹書揚之以濟淪苦昔天
真皇人詣夜光元后模倣書之字皆廣長一
丈八角垂芒委宛如印九六之會離為正音
有知其音能齋而誦之者諸天皆遣飛天神

王下觀其身書其功勤上奏諸天萬神朝禮
地祇侍門大勳魔王保舉上真道備剋得遊
行三界昇入金門此音無所不辟無所不穰
無所不度無所不成天真自然之音也故誦
之致地獄釋縛長夜開曉幽牢陰界息苦超
生人道安寧鬼途解脫碧宮霞覆丹陵發光
鎮靜海嶽福及萬生天垂彩耀地湧玉英冥
慧洞清大量玄玄也

廿七

十八

元始無量度人上品妙經卷之五十七

二十五第七十二卷
